

CHAMBERS, WILLIAM (1809 - 1882), ustus

Enw: William Chambers
Dyddiad geni: 1809
Dyddiad marw: 1882
Priod: Joanna Chambers (née Trant)
Plentyn: John Graham Chambers
Rhiant: William Chambers
Rhyw: Gwryw
Galwedigaeth: ustus
Maes gweithgaredd: Cyfraith
Awduron: Nansi Ceridwen Jones, David Williams

Unig fab [William Chambers](#), Llanelly House, Sir Gaerfyrddin, brodor o Bicknor, Caint, ac uchel siryf sir Gaerfyrddin yn 1828. Priododd, 1835, Joanna Trant, merch Capten Payne o'r llynges. Fel ynad gweithiodd yn galed i ddarostwng gwrthryfel Beca yn 1843 ac i symud y drygau a oedd yn gyfrifol amdano. Cynorthwyodd i ddatblygu diwydiannau ac adnoddau crai tref a phorthladd Llanelli. Yn 1840 sefydlodd y ' South Wales Pottery, ' a dug y gwaith ymlaen hyd 1855 pryd y'i trosglwyddwyd i'r Meistri Coombs a Holland. Yr oedd ei dad wedi etifeddu Llanelly House am ei oes drwy ewyllys [Syr John Stepney](#), a phan fu farw ef ar y 9fed o Chwefror 1855, aeth yr ystad yn ôl i deulu [Stepney](#). Ar farw'r 9fed barwnig, [Syr Thomas Stepney](#) yn 1825, y cafodd Chambers 'Llanelly House' - ni wyddys pa fodd. Yn 1853 prynodd stad yr Hafod, Sir Aberteifi, a bu'n byw yno hyd 1871, pryd y gwerthodd Hafod a dychwelyd i Gaint. Yr oedd yn ustus heddwch yn siroedd Caerfyrddin ac Aberteifi ac yn ddirprwy-raglaw sir Aberteifi. Bu farw ddechrau 1882.

Awduron

Nansi Ceridwen Jones

Yr Athro Emeritus David Williams, (1900 - 1978)

Ffynonellau

H. Blackwell, [NLW MSS 9251-9277A: A Dictionary of Welsh Biography](#)

Bye-Gones, relating to Wales and the Border Counties, 1882, 43

Annals and Antiquities of the Counties and County Families of Wales, 191

Transactions of the Carmarthenshire Antiquarian Society and Field Club, 1943-4, 21-63

John Innes, *Old Llanelly*(Cardiff 1902), 63

Darllen Pellach

Erthygl Wicipedia: [William Chambers](#)

Dolenni Ychwanegol

Wikidata: [Q20734580](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.